

Taputapu aromatawai whaiaro

Te tautoko i te akoranga me te whanaketanga o te reo ā-waha

Ko ngā mōhiohio kei roto i te taputapu aromatawai whaiaro nō te pukapuka o *Te kōrerorero*. Ko tēnei rauemi marautanga ka tuku i ngā mōhiohio matua (Ngā ariā reo ā-waha) me ngā huarahi whakaako whai hua (Ngā rauemi whakakōrero) e tautoko ana i ngā kaiako ki te whakatinana i te aronga reo ā-waha kaha i ngā wāhi ako kōhungahunga. Ko te putanga tuihono e hautūhia ana e **Te Whāriki Online**:

<https://tewhariki.tki.org.nz/talkingtogether>



i Te whakamahinga o te taputapu aromatawai whaiaro:

Tāngia tētahi kape mai i te pukapuka, PDF rānei o te taputapu aromatawai whaiaro (i Te Whāriki Online) kia hopu ai i āu kōrero mō te taputapu aromatawai whaiaro.

E tautoko ana te taputapu aromatawai whaiaro i te arotake ā-rōpū, takitahi hoki e poua ana ki ngā māramatanga me ngā rautaki i whakamahukitia i *Te kōrerorero*.

Mā te whakamahi i tēnei taputapu hei whakapakari i te uara o ngā ritenga huritao. He āwhina pai hoki te huritao nei i te wā e mahia ngātahitia ana me ō hoa - ka tipu hoki he huarahi mahi ngātahi nā ngā kōrerorero auau, tautoko hoki o ngā ritenga whakaako, ā, me te āwhina i ngā kaiako ki te aromatawai me te huritao i te hua o ngā ritenga takitahi, ā-rōpū hoki.

Whakamahia te taputapu hei tiro tiro i ngā ritenga ako o tō rōpū me te kaha o tō whakauru i ngā rautaki whai hua, whai taunaki hoki e poipoi ana i te akoranga me te whanaketanga reo. Mā te taputapu hoki e āwhina i a koe ā-rōpū nei ki te arotake i tō taiao reo ā-waha, kia mōhiohia he taiao tautoko, whakauru hoki mā ngā tamariki katoa.

Ka taea hoki te whakamahi i te taputapu hei huritaonga ki ō ake ritenga ako, ko te painga atu mēnā he takirua ki tētahi o ō hoa. Hei tauira, mā tētahi hoa koe e āwhina ki te whakamahi i te taputapu mā te tiro tiro i ō mahi me te tuku kōrero motuhake hei āwhina i a koe ki te whakamahere ka pēhea tō whakapakari i ō ritenga ako.

TAPUTAPU AROMATAWAI WHAIARO

Kaiako:

Te rā me te wā:

Kaitirotiro (mēnā e hāngai ana):

Ngā āhuatanga me ngā tikanga o tō mātou ratonga ako kōhungahunga:

Ngā reo e whai wāhi ana i tō mātou hapori:



Tātaitia tō rōpū, koe tonu rānei mō ia rautaki, ritenga ako rānei mā te tohu i te **E ara mai ana**, **Āhua tāmaua** ā, rānei te **Tāmaua** e pā ana ki ngā whakaahuatanga i raro nei.

Ngā Whakaahuatanga	<input checked="" type="checkbox"/> E ara mai ana	<input checked="" type="checkbox"/> Āhua tāmaua	<input checked="" type="checkbox"/> Tāmaua
<input type="radio"/> E ara mai ana Ko ngā ritenga ako i E ara mai ana ka uru ētahi o ēnei:	<p><i>E ako ana mātou mō ēnei mōhiohio me te whakarite mahere me pēhea, āhea hoki e taea te whakatinana i ēnei hei tautoko i ngā tamariki i roto i ā rātou akoranga me te whanaketanga reo ā-waha.</i></p> <p><i>I ngā wā e kōrerorero huritao ana mātou, kua tīmata tā mātou kōrerorero me pēhea tā mātou whakamahi i ēnei mōhiohio i roto i tō mātou whakamaheretanga, ā, me pēhea hoki te whakatinana i ēnei me ā mātou tamariki.</i></p>		
<input type="radio"/> Āhua tāmaua Ko ngā ritenga ako i Āhua tāmaua ka uru ētahi o ēnei:	<p><i>Kua piki te māramatanga, ā, e taea ana te whakatinana:</i></p> <ul style="list-style-type: none"> » <i>i ētahi āhuatanga o te whakamahere. Kua tīmata te kohikohi raraunga hei whakamōhio i tō mātou whakamaheretanga mō te akoranga me te whanaketanga reo o te tamaiti, o ngā tamariki rānei. Ka kitea tēnei i roto i tō mātou puka whakamahere marautanga.</i> » <i>i te wā e pāhekoheko ana mātou ki ētahi tamariki, mema o te whānau rānei. Tērā ētahi rōpū tamariki pea i ōrite ake tā mātou mahi.</i> » <i>i ētahi wā. Tērā pea i ētahi wāhanga o te rā, i ētahi mahi tākaro, i ētahi hātepe tiaki, i ētahi atu hātepe o ia rā i roto i te ratonga.</i> <p><i>E kitea ana tēnei i roto i tō mātou aromatawai arataki mā ngā tamariki, pēnei i ngā kōrero akoranga me ngā pūkete akoranga hoki.</i></p> <p><i>I tō mātou wā kōrerorero huritao, ka taea te kōrero mō te āhua o tō mātou whakaaro ki te whakamahi i ēnei mōhiohio. E ako ana mātou mō te pānga o tēnei ki te poipoi i te akoranga me te whanaketanga reo ā-waha o ā mātou tamariki.</i></p>		
<input type="radio"/> Tāmaua Ko ngā ritenga ako i Tāmaua ka uru ētahi o ēnei:	<p><i>E whakatipu ana i tō mātou mātauranga me te ōrite hoki o te whakatinana:</i></p> <ul style="list-style-type: none"> » <i>kei ngā wāhi katoa o te whakamaheretanga, ngā arotakenga, me ngā tukanga arotake rāroto. Ko ngā kohinga raraunga hakune e whakamōhio ana i ngā whakataunga kaupapa me te whakamaheretanga o te akoranga me te whanaketanga reo o te tamaiti me ngā tamariki. Ka kitea tēnei i roto i tō mātou puka whakamahere marautanga.</i> » <i>i te wā e pāhekoheko ana mātou ki ētahi tamariki, mema o te whānau rānei.</i> » <i>i te nuinga o ngā horopaki. E whakamahia ana puta noa i te rā, i te wā o ngā mahi tākaro, ngā hātepe tiaki me ētahi atu hātepe o ia rā i tō mātou ratonga ako kōhungahunga.</i> <p><i>E kitea ana tēnei i roto i tō mātou aromatawai arataki mā ngā tamariki, pēnei i ngā kōrero ako.</i></p> <p><i>I ngā wā e kōrerorero huritao ana mātou, ka wānanga mātou me pēhea tā mātou urutau i ēnei mōhiohio me tōna pānga i runga i te poipoi i te akoranga me te whanaketanga reo ā-waha o ā mātou tamariki.</i></p>		

NGĀ ARIĀ REO Ā-WAHA

Te māramatanga o te tipunga o te reo ā-waha me ngā ariā matua

*Tātaitia tō rōpū, koe tonu rānei mō ia rautaki, ritenga ako rānei mā te tohu i te **E ara mai ana**, **Āhua tāmaua** ā, rānei te **Tāmaua** e pā ana ki ngā whakaahuatanga i raro nei.*

1. He poutama mō te reo ā-waha (whārangi 54-58)

E āhukahuka, ā, e mārama ana mātou i te wāhi e whanake ana ngā tamariki i ngā ara poutama ki te reo ā-waha: ngā oro kōrero, ngā kupu, ngā rerenga, ngā kōrero me ngā pāhekoheko pāpori.

Ka urutau mātou i ō mātou rautaki whakaako takune mō te pāhekoheko ki ngā tamariki mā te tino whai mōhio ki ia tamaiti, me te āhukahuka he aha ō rātou mariunga, ā, me te mārama ki ō rātou poutama reo.

E āhukahuka ana mātou i te wā ka rapu tautoko āpiti mō te whanaketanga o ngā poutama reo o ā mātou tamariki e whai hua ana, ā, me ngā wānanga whakapakari i te taha o ngā whānau hei toro i ngā āheinga, tae atu ki te āheinga ki ngā Tautoko Akoranga mai i te Tāhuhu o te Mātauranga.

E ara mai ana **Āhua tāmaua** **Tāmaua**

2. He Awa Whiria – E raranga ana i te muka kākanorua (whārangi 63-65)

Ka rarangahia ngā huarahi Māori tūturu i roto i ō mātou rautaki reo ā-waha e whakamahia whaitaketia ana i ngā wā ririte hei tauira te whakamahi pepeha, waiata ā-ringa, karakia, haka, pātere, pūrākau, pakiwaitara.

E whakamahi ana mātou i ngā **R e 3 + āheinga** (Tōai, Ūngeri, Huarite me te Āheinga, ā, rānei te whakawhiti reo-kore) ki te āwhina i a mātou ki te maumahara ki ngā huarahi whai hua o te raranga i ngā huānga o ngā huarahi Kaupapa Māori i roto i ō mātou rautaki reo ā-waha.

E ara mai ana **Āhua tāmaua** **Tāmaua**

3. Te mahi tahi me ngā whānau ki te whakawhanake i te reo ā-waha (whārangi 66-68)

He takune tonu tō mātou whakahoa atu ki ngā whānau mō te whanaketanga reo, mā te: kōrero auau, te toha i ngā rautaki hou, o nāianei hoki, te tono ki ngā whānau kia tohaina ō rātou wawata me te waihanga i tētahi māramatanga ōrite o te whakarato a ngā pākeke i te tautoko ki ngā akoranga me ngā whanaketanga reo puta noa i ngā wāhi ia rā mā ngā tamariki.

E ara mai ana **Āhua tāmaua** **Tāmaua**

4. Te āhua o te aromatawai i te reo ā-waha me te whakawhitiwhiti (whārangi 72-74)

Ka whakaarotia e mātou ngā āheinga o ā mātou tamariki puta noa i ō rātou reo me ngā taiao. Ka mahi tahi mātou me ngā whānau, te hunga tino mōhio ki ā rātou tamariki, ā, ka whai wāhi hoki ngā mōhiotanga, ngā whakaaro me ngā mahi Māori i roto i ō mātou aromatawai.

Ka kōrero mātou mō ngā poutama o te reo ā-waha (whārangi 54-58) hei whakamōhio i ō mātou tirohanga me te kohi taunakitanga mō te āta kokenga whakamua mō ngā oro kōrero, ngā kupu, ngā rerenga, ngā kōrero me ngā pāhekoheko pāpori. Ka whakamahi mātou i ngā raraunga aromatawai hei urupare ki ngā tamariki me te whakamahere i te huarahi whakamua hei tautoko i tō rātou akoranga me te whanaketanga.

E ara mai ana **Āhua tāmaua** **Tāmaua**

NGĀ RAUEMI WHAKAKŌRERO

Te whakamahi i ngā rautaki me ngā huarahi reo ā-waha

*Tātaitia tō rōpū, koe tonu rānei mō ia rautaki, ritenga ako rānei mā te tohu i te **E ara mai ana**, **Āhua tāmaua** ā, rānei te **Tāmaua** e pā ana ki ngā whakaahuatanga i raro nei.*

<p>1. Te akiaki i te kōrerorero (whārangi 9-12)</p>	<p>Ka whakamahi mātau i te rautaki te tauutuutu. Ka urupare mātou ki ngā hiahia o ngā tamariki me te tuku wheakotanga hei kapo i tō rātou aronga pākikitanga me te whakaara ake i ngā kōrerorero.</p> <p>Ka kōrero tahi mātou ki ngā pēpi me ngā tamariki i roto i ngā whitinga kōrero i runga anō i ngā mea e kite ana, e tākaro ana rātou, mā te waihanganga rānei i tētahi aronga ngātahi. E kite ana, e āhukahuka, ā, e urupare ana mātou ki ngā pekanga maha (ā rātou <i>poutama mō te reo ā-waha</i>, whārangi 54-58) a te pēpi, te kōhungahunga, te tamaiti rānei i roto i ngā kōrerorero, ā, e hāngai ana tō mātou urupare ki te tamaiti.</p> <p><input type="radio"/> E ara mai ana <input type="radio"/> Āhua tāmaua <input type="radio"/> Tāmaua</p>
<p>2. Ngā rautaki reo whakaahua (whārangi 13-15)</p>	<p>Ka whakamahi mātou i ngā rautaki reo whakaahua i ngā wā e noho māori ana ki ngā tamariki, e tākupu ana (whakaahua i ngā mea e kite ana koe), kōrero-whaiaro (tākupu i ōu whakaaro/mahi), kōrero whakarara (tākupu mō ngā mahi a ngā tamariki), whakamāori (te whakapiki ake i te whakawhitiwhiti kōrero i te wā e whakaputa ana ngā tamariki i ngā oro me ngā mahi hei whakawhiti kōrero) me te whakatauirā (te whakamahi i ngā tauira kōrero tika me ngā tauira reo, me te whakapiki i te puna kupu haumako puta noa i ngā reo).</p> <p><input type="radio"/> E ara mai ana <input type="radio"/> Āhua tāmaua <input type="radio"/> Tāmaua</p>
<p>3. Te taunaki i te ako reorua, reohuhua (whārangi 16-21)</p>	<p>Ka mahi mātou i roto i ngā whakahoatanga tata ki ngā whānau hei tautoko i ngā reo o ngā kāinga, tae atu ki te ako waiata māmā, ngā pūrākau, ngā kupu me ngā rerenga mai i ngā reo kāinga o ā mātou tamariki, me te whakamahi anō i ngā pāhekohekotanga o ia rā.</p> <p>Ka urutau mātou i ō mātou rautaki whakaako takune, ngā rauemi me ngā tautoko mā ngā tamariki mai i te māranga ki te huarahi reo (Reo Ingarihi, reorua, reohuhua).</p> <p><input type="radio"/> E ara mai ana <input type="radio"/> Āhua tāmaua <input type="radio"/> Tāmaua</p>
<p>4. Te whakawhānui i te puna kupu (whārangi 22-25)</p>	<p>He takune tonu te mahi whakauru i ngā momo kupu i roto i ngā kōrerorero pēnei i ngā kupu īngoa, mahi, whakaahua, kupu pātai, kupu mō ngā kare, me ngā kupu wāhi.</p> <p>Ka whanake ka whakatinana hoki i ngā huarahi ki te tautoko i te whakawhānuitanga a ngā tamariki i ō rātou puna kupu i roto i te reo kāinga.</p> <p><input type="radio"/> E ara mai ana <input type="radio"/> Āhua tāmaua <input type="radio"/> Tāmaua</p>

NGĀ RAUEMI WHAKAKŌRERO

Te whakamahi i ngā rautaki me ngā huarahi reo ā-waha

5. Ka whakamahi mātou i ngā momo rautaki whaihua hei poipoi i te akoranga me te whanaketanga reo ā-waha o ā mātou tamariki.

Mō te aromatawai whaiaro, huritao ko ēhea o ngā rautaki i whakamahia auau e koe i te taha o ngā tamariki. Tirohia te pukapuka, te rauemi tuihono rānei mō ngā mōhiohio o ia rautaki.

Te pānui me te aroā ororeo (whārangi 26-29, 41-43)

E ara mai ana Āhua tāmaua Tāmaua

Ngā whakawhitiwhiti, ngā pātai (pages 30-32)

E ara mai ana Āhua tāmaua Tāmaua

Pūrākau (whārangi 33-36)

E ara mai ana Āhua tāmaua Tāmaua

Te kōrero mō ngā kare ā-roto (whārangi 37-38)

E ara mai ana Āhua tāmaua Tāmaua

Te poipoi i te whakawhitiwhiti me ngā hoa (whārangi 44-47)

E ara mai ana Āhua tāmaua Tāmaua

Te hangarau matihiko (whārangi 39-40)

E ara mai ana Āhua tāmaua Tāmaua

Te kōrero pūrākau, te puoro me ngā waiata (whārangi 48-50)

E ara mai ana Āhua tāmaua Tāmaua



Ētahi rauemi whai hua mō te huritao, te pakirehua me te arotake rāroto

1. Te Tari Arotake Mātauranga (2020) *Te Ara Poutama: Tohu kounga o te mātauranga ako kōhungahunga: ngā whai tikanga*. Te Whanganui-a-Tara: ERO.
<https://moeshared.cwp.govt.nz/publications/te-ara-poutama-indicators-of-quality-for-early-childhood-education-what-matters-most>
2. Te Tari Arotake Mātauranga (2016). *Te arotake rāroto whai hua hei whakapainga*. Te Whanganui-a-Tara: ERO.
<https://www.ero.govt.nz/publications/effective-internal-evaluation-for-improvement>
3. Te Tāhuhu o te Mātauranga (2017). *Te Whāriki: He whāriki mātauranga mō ngā mokopuna o Aotearoa, marautanga ako kōhungahunga*. Te Whanganui-a-Tara: Te Tāhuhu o te Mātauranga. <https://tewhariki.tki.org.nz/en/early-childhood-curriculum>

AHU WHAKAMUA: HE WHAKARĀPOPOTOTANGA O NGĀ HURITAO ME NGĀ MAHERETANGA Tirohia anō ō whakautu i runga nei

He aha ō/ō koutou whaikaha?

He aha ō/ō koutou āhuetanga hei whanaketanga?

Ka pēhea taku/tā mātou hiki i ōku/ō mātou whakaritenga ako?

E rapu āwhina ana au/mātou? Ki te pēnei, mai i a wai?

Ka taea e tēnei whakapainga te noho hei wāhanga o tētahi pakirehua takitahi, rōpū mahi tahi rānei?
